

Zaključci Zakonodavno-pravne komisije o kojima se treba izjasniti Predstavnički dom PFBiH

Zaključci sa 28.sjednice Zakonodavno-pravne komisije:

Ad-11

Inicijativa za izmjene i dopune Zakona o radu, koju je pokrenula Institucija ombudsmena za ljudska prava BiH, broj: 01-02-1657/20 od 26.9.2020.godine

Komisija je prema članu 160. Poslovnika Predstavničkog doma PFBiH razmotrila Inicijativu za izmjene i dopune Zakona o radu, koju je pokrenula Institucija ombudsmena za ljudska prava BiH, kao i mišljenje radnog tijela i Vlade FBiH, te jednoglasno donijela sljedeći

ZAKLJUČAK

Komisija prihvata Inicijativu za izmjene i dopune Zakona o radu, koju je pokrenula Institucija ombudsmena za ljudska prava BiH i zadužuje Vladu FBiH za izradu navedenog propisa.

Ad-12

Inicijativa za izmjene i dopune Zakona o radu, koju je pokrenuo Savez samostalnih sindikata BiH, broj: 01-02-1564/20 od 17.9.2020.godine

Komisija je prema članu 160. Poslovnika Predstavničkog doma PFBiH razmotrila Inicijativu za izmjene i dopune Zakona o radu, koju je pokrenuo Savez samostalnih sindikata BiH, kao i mišljenje radnog tijela i Vlade FBiH, te jednoglasno donijela sljedeći

ZAKLJUČAK

Komisija prihvata Inicijativu za izmjene i dopune Zakona o radu, koju je pokrenuo Savez samostalnih sindikata BiH i zadužuje Vladu FBiH za izradu navedenog propisa.

Ad-13

Inicijativa za izradu novog Porodičnog zakona i socijalne karte u FBiH, koju je pokrenula zastupnica Alma Kratina, broj: 01-02-16/21 od 25.1.2021.godine

Komisija je prema članu 160. Poslovnika Predstavničkog doma PFBiH razmotrila Inicijativu za izradu novog Porodičnog zakona i socijalne karte u FBiH, koju je pokrenula zastupnica Alma Kratina, kao i mišljenje radnog tijela i Vlade FBiH, te jednoglasno donijela sljedeći

ZAKLJUČAK

Komisija prihvata Inicijativu za izradu novog Porodičnog zakona i socijalne karte u FBiH, koju je pokrenula zastupnica Alma Kratina i zadužuje Vladu FBiH za izradu navedenog propisa.

Ad-17

Inicijativa za donošenje zakona o gradu Lukavac, broj: 01/ 2-02-1247/18 od 10.7.2018.godine

Komisija je prema članu 160. Poslovnika Predstavničkog doma PFBiH razmotrila Inicijativu za donošenje zakona o gradu Lukavac kao i mišljenje radnog tijela i Vlade FBiH, te jednoglasno donijela sljedeći

ZAKLJUČAK

Komisija prihvata Inicijativu za donošenje zakona o gradu Lukavac i zadužuje Federalno ministarstvo pravde da izradi zakon i uputi u parlamentarnu proceduru.

Zaključci sa 29. sjednice Zakonodavno-pravne komisije:

Ad-10

Inicijativa za donošenje zakona o izmjenama i dopunama Zakona o faktoringu FBiH, koju je podnijelo Udruženje banaka BiH, broj 01-02-2400/19 od 11.12.2019.godine

Komisija je prema članu 160. Poslovnika Zastupničkog doma PFBiH razmotrila Inicijativu, mišljenje radnog tijela Predstavničkog doma PFBiH i Vlade FBiH, te većinom glasova donijela sljedeći

ZAKLJUČAK

Inicijativa za donošenje zakona o izmjenama i dopunama Zakona o faktoringu FBiH, koju je podnijelo Udruženje banaka BiH, broj 01-02-2400/19 od 11.12.2019.godine se ne prihvata.

Ad-11

Inicijativa za izmjenu i dopunu Zakona o plaćama i naknadama u organima vlasti FBiH, koju je podnijela zastupnica Elma Đogić, broj 01-02-903/20 od 11.05.2020.godine

Komisija je prema članu 160. Poslovnika Predstavničkog doma PFBiH razmotrila Inicijativu, kao i mišljenje radnog tijela i Vlade FBiH, te većinom glasova donijela sljedeće

ZAKLJUČKE

1. Inicijativa za izmjenu i dopunu Zakona o plaćama i naknadama u organima vlasti FBiH, koju je podnijela zastupnica Elma Đogić, broj 01-02-903/20 od 11.05.2020.godine se ne prihvata.
2. Traži se od Vlade FBiH da pripremi i u parlamentarnu proceduru uputi set usaglašenih propisa koje se odnose na isplate plata i naknada u organima vlasti na nivou Federacije FBiH.

Ad-12

Inicijativa za donošenje zakona o izmjeni Zakona o pripadnosti javnih prihoda, koju je podnijelo Općinsko vijeće Općine Foča, broj 01-02-1242/20 od 02.07.2020.godine

Komisija je prema članu 160. Poslovnika Predstavničkog doma PFBiH razmotrila Inicijativu, kao i mišljenje radnog tijela i Vlade FBiH, te većinom glasova donijela sljedeći

ZAKLJUČAK

Inicijativa za donošenje zakona o izmjeni Zakona o pripadnosti javnih prihoda, koju je podnijelo Općinsko vijeće Općine Foča, broj 01-02-1242/20 od 02.07.2020.godine se ne prihvata.

Ad-14

Inicijativa za autentično tumačenje člana 298. Zakona o stvarnim pravima, koju je podnio direktor KJKP Pokop sarajevo, broj 01-02-2509/19 od 30.12.2019.godine

Komisija je prema članu 211. Poslovnika Predstavničkog doma PFBiH razmotrila predmetnu Inicijativu za autentično tumačenje, kao i mišljenje radnog tijela i Vlade FBiH, te većinom glasova nije prihvatila Inicijativu ali je donijela sljedeći

ZAKLJUČAK

Traži se od Vlade FBiH da se budućim izmjenama Zakona o stvarnim pravima obavezno tretira i uredi pitanje pojma „zgrada“.

